



行樂吟序



甬水之上風雅洋溢然簪纓
無論之山林之彥隱辨寔
主齊盟不佞近託比鄰乃
得覩其新咏大氏以刻

厲入以平淡出清新俊
逸蓋並有之真幽人之
極思空谷之絕響也方今
海內作者蓋非一家徒視
述濟南諸公句模而字範

之稍近片詞便謂合作此
何異享敝帚以千金拾
餘唾而誇為醍醐也吾邑
諸君子獨能家開一閭闔
人操一槩彙或濃或淡或

雅或麗或秀或奇維體
裁人殊要以各抒其所自
得故雖不盡開元不盡大
曆而神情所煥足以掩映
後先若隱鱗者其褒然

者也夫詩必服習而後工
殫思而後進故有謂山林
之作勝於廊廟者匪才則
然專與不專異耳隱鱗
伏林泉不墮世經一編之外

吾嘗嗜好故能肆力於風
雅而成一家予余自愧其不
如也用是妄贊一言以俟海
內之知音者

東海外史周應賓題



行樂吟序

文無行昔人之不幸也後世脩辭之
士藉以為口實遂成千古不愈之沉
疴世無藥之者吾友聞隱鱗先生端
人也以德行先文學而又以孝友先

百行夫文章根乎忠孝至与瑾瑜比
潔日月争光而矧出類拔萃云乎哉
隱鱗生長華屬性貞素不好名常居
深山中讀書腥膏不入口者達蒿黎
藿之風而事佛甚謹究心三藏夫禪

門空寂可淡世味隱鱗以出世之心
發蒲團之趣其趣高故語高承露之
僊掌也其趣幽故語幽深谷之松風
也其趣遠故語遠碧天之無際也其
趣清故語清寒溪之徹底也其趣朗

故語朗月午之霜空也無意于奇而
語自奇放光之舍利也無意藻麗而
語自藻麗不染之蓮花也觀止矣無
一語越古人矩矱亦無一語落古人
齒牙而溫厚和平之氣往類其為

人奪詞壇之赤幟改秬圃之新觀卓
然名家今之摩詰也嚴滄浪謂詩理
通禪得隱鱗而益信矣隱鱗與余為
牙期之交見其句言率意不驚人亦
已十年行藥僅成此吟固隱鱗九

轉金丹不獨三年之艾霍然病已用
是物也而土苴可以濟衆讀此吟者
法其詩無法其行則千古不愈之沉
疴庶幾其有瘳乎吾鄉僻在海畔
隱鱗入山又溪見詩者甚少即鄉之人

頌德多於稱詩王太保以德掩其言
隱鱗以孝友篤行掩其文章與顧虎
頭相反矣夫以隱鱗之才之行所以
培四明士氣而達諸天下者也謂一
鄉之士可也謂天下之士亦可也是

則隱鱗而已矣

同里友弟薛岡撰



行藥吟自序

嗟乎栖丘飲谷之風遐哉邈矣僕竊慨然慕之
雖遊身寓內而抗志霞上故把臂入林者率多
野逸之士瓦盆濁酒棘七藜羹陶然樂也彼蒼
不仁奪我伯翼淵匠傾逝情焉廢斤二三友生
足音復遠用拙舌耕于燕山千仞跡躡于臨汝
子敏抱痾委頓吉甫沉湎自雄以故蓬逕不通
彫門常掩離羣索居僕亦病矣長文孺愿時相
過存既壯我以觀濤復廣我以出世涼風入帷

病亦良已乃挾奚奴操葉艇滅沒于渚烟山靄
之間於時足不任身濟勝乏具則坐磐石臥竹
根抱鄰長吟措頤高嘯會心寓目輒用韻語次
之歸視社中兄弟僉命付之梓人僕嬾逾未夜
貧甚仲容一棄篋中十年不問會田叔行僕詩
略人頗病其易竟爰按是集并以灾木自庚寅
迄今皆服散之日也都名行藥未遑更焉
萬曆庚子秋日飛遁子題

行藥吟

病中會吉甫

甬東聞龍撰



天道靡常寧休咎恒倚伏昨如驟坂駒今如鐵
羽驚毒瘍據中堅秋暑肆外溽晨憩望夕陰甯
眠異朝旭平生靜勝功了不濟斯酷故人敦久
要在患情彌畜玉趾既數舉芳訊亦屢辱循覽
陽春篇鏗然中哀玉豈唯沉痾捐乃覺神理復
蹈舞誠未能味歎良不足鏤骨詎云喻援豪叙

袁曲

久病無聊臥對黃公望山水恍然神遊其上走筆紀事

平生好畫不好色徃徃對之忘寢食勝國名家
世共珍縱有黃金求不得此圖乃出大癡手水
墨淋漓映戶牖爽氣朝來直撲人涼風颯至頻
矯首胸中丘壑自天成筆底烟霞匠意生初疑
太華峰前過又似山陰道上行兔迹鳥道常神
往瀑布飛流勞夢想我欲援琴向此彈知音那

得鍾期賞忽忽悠悠四十秋此身多病似浮漚
未能脫屣人間去聊學宗生且卧遊

慧公以海上方見遺賦謝

多病生幽思齋居省世緣慙無異人至喜有禁
方傳薄靄猶含雨長雷欲霽天憶君趺坐處輒
草正芊芊

扶病登樓遙矚西山喜而命酌

晚晚西山色迢迢野岸陰一秋空偃臥兩月廢
登臨薄酒扶羸疾寒蛩伴苦吟何時杖藜出行

行藥吟
藥遍園林

小圃

小圃多佳色悠然坐晚風
雨藤秋後碧露葉曉來紅
曲徑從高沒衡門恠路通
益思袁夏甫土室臥堪終

寄用拙燕市

嗟君踪跡似蓬飄復抱西河痛
不銷數畝山田今欲盡百年生計益無聊
思歸莫怨烏頭黑懷舊毋辭鴈足遙
何日清尊對知己老懷離思

通宵

讀伯翼詩

異才真間出大業等南金
卓犖千秋志悲涼百代心
惜哉廣陵散已矣永嘉音
此道關風氣從茲痛日深

北地稱雄傑君才復頡頏
鸞凰自有族魍魎耻爭光
力挽前車覆重令古法張
乾坤吾子在六義不教亡

長文孺愿過存

短髮蕭蕭嬾着巾
蹢躅猶似病癡人
小除蓬徑延三益
薄有蔬盤當八珍
高樹扶疏秋瑟瑟
澄湖空濶晚粼粼
今宵忽覩蛾眉月
已負清光兩度新

出郭

幸不先朝露猶嫵
嗜晝眠杖藜初出郭
俯景惜流年落日蕭蕭影
空郊澹澹烟殘生與衰柳相向倍悽然

過伯翼殯所

少日追遊慣中年受教多
一時成異物三逕恐重過
白日名長在青雲夢若何
自慙僉附技不及魯陽戈

及魯陽戈

伯翼嘗夢登高臺有一楔棹顏曰青雲

襲公房夜坐

精舍新開湖水東
寒更相對坐談空
明朝又逐浮雲散
回首寒更似夢中

贈襲公

寶地遊無厭真僧戒有香
清風出世遠甘露洗心涼
萬里參方外三年返故鄉
恒持大悲呪西

行藥
去作資糧

送蔡貞伯

經年不出戶累月一梳頭傲骨如山峙機心共
水流烟霞胸次滿丘壑筆端幽忽暮雲中鵠搏
風恣遠遊

鄭朗千仞宣遠見訪有作畬鄭朗

我家湖水曲魚鳥日相親何意來孤棹烟波間
隱淪風颺才自逸泉石語偏新尚覺顏如玉餘
輝遠照人

畬千仞

每恨比隣少素心閉門卒歲獨悲吟竭來幸有
君同調一日何妨百遍尋

畬宣遠

落日題詩慰索居論才莫不似黃初老無深思
將焚研病畏雄風懶曳裾庭際孤松鱗已露門
前五柳翠全踈癡憨真任家僮性蠲殼經旬不
掃除

與吉甫登城

登高恣長嘯遼海何茫茫鯨鯢方鼓鬣烽火遙
相望王師直而壯奈何久無功叶無乃卒予敵
將帥不知兵叶落落草莽臣感憤思一當破浪
擬宗慤請纓慕終童叶自謂囊底智不足靜遐
荒余本仲尼徒軍旅非所長恒懷漆室慮園葵
懼見傷忽承慷慨譚屹若倚金湯何況抱竒節
信義如烁霜子短黃髮洗子百鍊腸安得共
而人仗鉞守四方寰區觀寧謐 皇帝垂衣裳

再遊城南陂

養痾淹節候早栖安選悞一室寘歡趣四座乏
雄辯荏苒精以銷曠望情彌遠頗懷東臯嘯復
憩南郊苑迴阡窮曲折遵渚遡清淺宿莽虫正
悲薰葭露方泫感物喟時邁卽事希日損優游
謝天伐俯仰恣遊衍闐闐良已遙塵囂未能遣
逝將秣吾車空谷行當返

悼松松在南郊董廟前五樹離立修幹摩

空蓋百許年物也余絕愛好之每與儕
輩來憩其下嘯咏終日不忍舍去邇爲

行樂
颶風所摧二松相繼槁歿與寄都亡江
山無色爰成二律用抒鄙懷凡我好友
同聲和焉

蒼松依古廟百尺映秋旻永日來舒嘯他時擬
結鄰雷霆摧馬鬣風雨剝龍鱗似失山林友行
歌益愴神

婆娑生意盡蕭索女蘿低無復蒼虬舞那堪白
鶴栖寒烟荒野外斜日古垣西尙想芳春月清
陰散馬蹄

余旣賦悼松二詩意猶不釋歸坐小庭松
風颯至不覺灑然復爲短歌一章聊以
吐氣

山中小松纔過額種之數年蒼翠積微風忽作
波濤聲恍然置我藐姑射君爲地主我是客樂
與盤桓數晨夕不特孤標擬二難正思晚節稱
三益此道今人已狼籍片言不合尋戈戟爭似
亭亭一院陰箕踞常容岸高憤嗟余好之以成
癖恨不早卜空山宅安得龍鱗倏忽生風雷白

目高千尺

送抱石上人從雪浪老之金陵

雲外翛然似鳥飛，風塵不上水田衣。元無來往心，堪繫況有天人師。可依去日芙蓉樊圃麗，到時楊柳白門稀。六朝古寺今餘幾，舊約同遊悵獨違。

寄湛懷尊宿

洛伽山峙海中央，猶記師將一葦航。許久不瞻金色相，居常空憶玉毫光。窺簾竹日輝輝淨，入

座松風謾謾涼。願得重來共盤礴，莫言沙界一禪床。

送祇園上人覲母

十年同野鶴，一念感慈烏。反哺情何切，高飛影自孤。遊方雲作侶，說法石爲徒。踪跡應難定，三山復五湖。

寄介山法師

五年不見面，千里但傳聲。法席天花亂，雷音海會驚。塏形疑湧出，湖水似觀成。地勝兼人傑，臨

風數繫情

寄慧林法師

淨行超方外新詩蒲世間
清華逾水月秀色奪湖山
蓮漏何時共祇林託夢攀
慧光元不盡常得照衰顏

憩雍公房

一室纔尋丈端居向十年
慈心蟲豸識苦行苾芻
傳晏坐忘天瞑頻過愛地
偏試將庭下柏一叩祖師禪

贈雲川先生

張長鱗尊人

一丘一壑道何尊老去行吟不出村
煙水輕鷗隨釣艇晚風橫笛臥衡門
花前釀黍邀隣曲林下分甘及子孫
間者濶焉如絕域不妨時與阿戎言

東湖

爲愛湖山好來乘湖上查樓臺疑窟宅
縹緲入雲霞積水明斜日長天隱白沙
葦花與菰葉處處欲移家

風數繫情

寄慧林法師

淨行超方外新詩蒲世間
清華逾水月秀色奪
湖山蓮漏何時共祇林
託夢攀慧光元不盡常
得照衰顏

憩雍公房

一室纔尋丈端居向十年
慈心蟲豸識苦行苾
芻傳晏坐忘天瞑頻過
愛地偏試將庭下柏一
叩祖師禪

贈雲川先生

張長麟尊人

一丘一壑道何尊老去行吟不出村
煙水輕鷗隨釣艇晚風橫笛臥衡門
花前釀黍邀隣曲林下分甘及子孫
間者濶焉如絕域不妨時與阿戎言

東湖

爲愛湖山好來乘湖上查樓臺疑窟宅
縹緲入雲霞積水明斜日長天隱白沙
葦花與菰葉處處欲移家

湖山常不厭秋至倍堪憐峭壁雲中絮層巒雨
後妍探竒憩危石陟險聽幽泉別有依依處斜
陽外色天

湖中對酒歌同吉甫

三年重到東湖上舊遊巖壑殊無恙北山何用
更移文不作塵容與俗狀千峰秋色白鷗天一
度登臨一惘然已嗟病骨猶朝露更惜流光逐
逝川平波霜曉清如鏡碧樹頽霞相掩映扁舟
獨往還獨旋垂竿何必通名姓人家樓閣臨湖

淡遙望青山如屋裏居民不覺似桃源風俗想
傳同粟里嗟余未息漢陰機欲往從之願屢違
每臨流水慙清淨常愛浮雲無是非陶公山下
秋風急史相墓中樵采入痛飲休論身後名狂
歌却笑雍門泣世人堪歎復堪悲家近名區歎
不知爲君老作茲湖長日日相邀醉莫辭

東湖竹枝詞和吉甫

百里平湖一望通漁燈岸岸射波紅誰能乞作
放生沼千載令人憶賀公

小舸出沒似游魚生長烟波不定居愛煞浮家
與泛宅辟人安用絕交書

楓林遙似赤城霞載酒來看日每斜風露蒲船
波影白却疑銀漢泛靈查

朝出湖頭坐不歸晚來風起浪花飛誰家遊女
舟如葉慣會凌波不濕衣

山村處處是桑麻耕鑿都忘帝力賒稚子腰鎌
能伐荻小姑草屨解撈蝦

啖蓴菜

不識蓴絲味新從湖艇嘗滑滋饒客口涼益酒
人腸鹽豉無煩下鱸魚詎可方何因獻 天子
芹曝意空長

將卜草堂於玉几山陰先呈無漏上人

褊性難諧俗幽憂合避喧買山依老衲習靜借
祗園已信無生樂還嗟有待煩不須弛酒戒吾
謹謝芳樽

贈胡萊疇

矯首丘園客平生畏入城著書追老氏開卦類

君平山色供扶杖溪流待濯纓西頭有令弟立
義共逸名

山茨

倚杖占風色停舟愛水漪山容秋更潔霞彩莫
偏竒落葉迷空谷寒烟認短籬經年纔一至深
愧此茅茨

柴門

映水柴門碧扶人竹杖斑晚風歸小院秋雨臥
山草際寒螿急林端宿鳥還鄰翁送酒至相

勸一開顏

山樓

山樓遲月光月出皎于霜拓檻清輝入開樽寒
漏長石泉流泚泚林木影蒼蒼隣犬聲如豹疑
登華子岡

訪趙彥忠

與君烟火幸相望一路清溪到草堂空翠欲流
山雨霽涼風颯至野花香兵戈惡說逢斯世耕
鑿思同老是鄉徒倚爲貪食秀色不知林外下

牛羊

山店

郊店懸崖側青帘拂澗泉計程無二里取醉已
三年餉客携錢就呼兒荷鍾前比來聊送老休
擬竹林賢

登洪巘絕頂

病後神猶王秋來興頗長霧中探豹窟天際坐
虹梁漸覺非人境將無夢帝鄉嗒然吾喪我舒
嘯激清商

飯西鄰

木葉紛紛脫山村處處忙沙田欣蚤熟香稻愧
先嘗五世同閭井連宵借隙光無勞擬戶祝虛
薄謝庚桑

寄子敏

病起看山每獨行瘦藤相伴布袍輕隔林野燒
寒烟積蒲谷西風落葉平遺穗拾來聊自給芳
樽賞得與誰傾停雲賦就幽窻宋唯有了了伐
木聲

行樂吟
喜吳少君至

七季飄泊空相憶千里悲驪得再逢幸有烟霞
風骨在孤標高韻未龍鍾

每詫燈花屢獻竒楚然空谷慰遐思行厨不用
將麟脯自有雲根五色芝

品水疏茶興不孤愛君清癖世間無茅堂蕭索
如僧舍坐對寒松到日晡

九月楓林未盡丹清霜昨夜釀新寒門前何限
西山色日日思君倚杖看

溪上同少君煮茗

佳茗山僧致開械氣色殊望烟分野燒掃石置
風爐品逸泉爲友名高酪是奴江湖論真賞臭
味似君無

與少君登山挹澗泉瀹茗

寒淥呼童煮仙芽薦客嘗看疑山翠映啜作萱
花香自是清泠味偏宜野逸勝會當生羽翰何
用乞瓊漿

山中送少君

羽服來方外茅茨迓故人高談破寂寞選勝陟
嶙峋幽夢嘗同趣離筵各悵神臨風攀鶴馭逸
翻本難馴

送趙彥忠遊燕二首

岩栖絕世氛相去一程雲泉石心方契風塵跡
遽分松筠黯無色猿鶴怨離羣慎莫淹歸策山
靈且誚君

白首交何晚青山知者稀幽尋無間日晤對每
忘歸惜別風多厲傷生露易晞西州門下路回

首莫霑衣

送千仞遊燕 三首

荷衣箬笠隱江干畏說人間行路難唯有送君
雙目力不辭迢遞到長安

其二

江干落日悵離群尺素毋忘寄嶺雲正苦善憂
頭蚤白莫將京國事相聞

其三

老去軋坤七尺身悠悠誰識捉刀人胷中磊塊

澆難盡醉倚荒臺吊劇辛

送玄藏上人歸吳興兼訊吳允兆

遠公不可作蓮社邈以荒側思先賢風喟然惕
中腸劫運有隆替佛日無晦明叶恭承大導師
卓錫霞霧陽遺則準廬阜潔志趨樂邦雖無蓮
花漏六時自蹒蹒我友延陵君侷儻世少雙傲
雅觴豆間賈勇翰墨場一別逾廿載聲名歛張
皇幡然忽有悟殫力歸空王師亦社中人析理
稱義龍叶心瑩摩尼珠德馨旃檀香正如西林

永清散多遠公叶憫我混泥途再手相扶將安
得焦敗種而沃甘露漿抱此區區誠臨行贈斯
章寄語宗錙葦毋靳施末光

寄公朗

不必逢眉宇知爲出世人松花常作飯蓮萼久
栖神千里萱城路三年藥裹身愧無能負笈悲
仰學南詢

至日

至日蕭然臥草堂不將雲物億灾祥瓶儲已盡

行苑
經時雨徑草纔霑昨夜霜羽檄不堪遼海急烽
烟又接塞垣長野人生計唯耕稼默向蒼穹乞
小康

宿長文谷口別業

南雷何處是彷彿白雲飛風雪應難到林間且
暫依石泉冰下咽松火夜深微却笑山陰客扁
舟興盡歸

怡雲閣呈長文

每到君家輒解顏了無一事飽看山松風忽過

房櫳外雲氣常留戶牖間盡日辟寒燒楮袖中
宵欹枕聽潺湲平生徒有烟霞癖未卜巖栖鬢
已斑

集山亭

分亭字

羣峰若翠屏立壁更孤亭零雨三年別飛泉兩
度聽賞心逢地主勝事乞山靈回首來時路寒
烟滿谷青

送盧子明

狼山迢遞隔滄瀛雪裏孤帆幾日程海味不能

行樂吟
留客住江流只解送人行口無臧否追先輩老
瞻才情壓後生他日中原倘相遇却君三舍避
前旌

歲莫

歲莫空山裏寒風日閉門艱難忘稼穡生長愧
乾坤身賤名爲祟精搖骨僅存自知無力報不
敢受人恩

喜用拙歸

久別過從莫厭頻如君風槩自堪親悲離不盡

人間事譚笑渾疑夢裏身去日衣裳猶似雪歸
來釜甑尚生塵五年書札空相憶不及燈前一
醉真

靈巖寺鐵袈裟和用拙

袈裟純鐵製莫識所從來壞色無勞染田形漫
學裁僧徒披不易魔衆見應猜定有龍神護寧
同劫火灰

寄千仞彥忠

山居多病也身輕書取幽情似友生藥圃行吟

銷舊臘茆檐趺坐曝新晴雲中丘壑尋難遍雪
裏峯巒畫不成爲報羊何無長語老懷唯有計
歸程

元日

羸軀罷應接高臥會佳辰茗椀生幽興椒觴思
故人有年風日好無事歲華新偶向溪邊坐千
峰映角巾

山居寄用拙子敏

山中無曆紀流年見說人間歲序遷碧草漸生

籬落下翠屏齊列戶庭前已無俗物好幽興但
有寒流聒醉眠三徑欲成思二仲遡風遙寄白
雲篇

送想樓成寄空門諸友

少慕衡門可樂飢老來方得遂栖遲閒臨秋水
同心湛靜對寒椒與病宜草閣焚香供夜坐瓦
鐺數米候晨炊孤雲似勝空門友朝夕相過不
用期

又寄城中諸友

行樂吟
空山獨往傲羲皇安用重求却老方紫竹林中
依大士絳桃花下餉漁郎喧囂漸與人間隔澹
泊終憐世外長唯有故交心不忘碧溪頻夢共
流觴

送吳名區歸娶

春江渺渺布帆輕細雨寒烟總繫情客路正逢
芳草綠鄉心遙逐暮潮生願言之子宜家室漫
道新婚若弟兄記取苧蘿幽翠色好將眉黛學
描成

寄孺愿孺宗

采石烟霞與性成不須服食喜身輕獨開小閣
延朝爽閒倚孤筇送晚晴澗戶雲封無剥啄土
堦苔滑少將迎雙柑斗酒長松下飽聽黃鸝憶
友生

送黃甥之武林

客路元非遠湖山况可憐辭家休怨別挂席似
登仙旅夢花生筆囊書韋作編壯心與藻思鬱
鬱正如烟

送張郡博歸吳興

何事辭簪紱幡然憶故鄉
遂初緣止足高蹈恣
徜徉門有三千士家無八百桑
種魚供伏臘得
酒任行藏笑指梅溪宅
行歌泌水章青山如舊
好紫筍及新嘗世路風波息
儒林姓字香長爲
五湖長濯足聽滄浪

送長文遊燕

南雷美丘壑抗志老山楹
忽有牛鼎思遂作長
安行長安城中塵滿道
誰謂出山非外草漸離

不作慶卿殂何物云膺足
傾倒何如輟棹返巖
栖閒看空梁落燕泥涼風
企脚北窻下孰與塵
容逐馬蹄

龍郡丞以十二韻見投奉畱

少小逃蓬藿行藏迹遂分
一生多負俗四體不
知勤自絕冠裳久誰將
名姓聞式間非所望遁
世豈徒云蓮沼無煩鑿
芝田不用耘謳歌忘帝
力鼓腹賴仁君忽枉虹
霓什陡驚猿鶴羣瑰琦
逾白壁鄭重比玄纁
栖息同籬鷓庭羸似病
羸

不能遮道拜唯有頌清芬

奉送高明大師

野鶴不可羈孤雲不可繫所以方外遊道遙志
超軼嶽嶽天人師濯濯冰壺潔和尅不自炫蜜
證疇能測少室避機鋒佳廬慙理窟桑下宿不
三言邁返空谷瀑布濕方袍霞標絢金榮山猿
拾果迎林鳥銜花集心本絕去來跡豈存乖隔
請從石室觀孰謂殊疆域

送鄭朗遊燕

邊隅今底定島寇復縱橫海內方多事天涯更
遠行長天窺劔氣中夜恠鷄鳴春色經淮甸秋
風客薊城霸圖悲樂毅俠節吊荆卿烈士裏多
感騷人氣不平五噫休更擬六鷁不須驚肉食
聲華貴林栖羽翮輕雲泥元迥絕肝膽未分明
田舍香秔飯山園老菑羹何如歸飽噉共我學
無生

送曹重甫歸由拳

千里駟車赤地中往來都不藉樵風炙鷄共道

行藥吟
同徐穉投轄誰能似孟公鄉思劇憐尊菜美客
程愁對蓼花紅由拳不在滄溟外九點青山指
顧中

送慧日上人訪王伯穀

維摩方丈室師去挹清芬若見譚玄詣應留坐
夜分道心涼似月詩思鬱如雲歸日多新詠旃
檀字字聞

寄伯穀丈

十年乖羽翼千里悵離羣舉世無相識臨風每

憶君永無顏可面唯有病相聞擬得湯休句長
吟對碧雲

送田叔守辰州

南北駢馳三十年星輶生耳鬢蒼然仁風到處
爭尸祝清操何人更比肩五馬復衝三楚雪雙
旌遙拂五溪烟莫耽小酉山中帙忘却東林社
裏蓮

用拙同戴倩景略見訪

黃耳迎舩吠蒼頭報客馳霍然忘痼疾莞爾豁

攢眉快壻逢安道良朋得子尼山家貧乏供蘆
服當哀梨

同用拙景略過飲彥忠

屋外千峰矗籬邊一水滌檐楹映苔碧耳目入
林清村酒醇堪醉山羞旨勝鯖還如避秦處隣
曲逶相迎

與諸君啜茗

一種清冷味塵懷藉爾澄正宜跂石友憶共臥
雲僧年老耽彌其脾寒量不勝雪中乘興至重

與淪溪水

送朱定國三上春官

霄漢君思奮山林我固窮行藏千里隔膠漆兩
人同荆玉良終售陰符困愈工公車奏對日遙
想氣成虹

送傅君嘉功曹之任馬湖

一經久以誤儒冠萬里何堪蜀道難利器每從
盤錯試遐荒莫外版圖看灘過灩澦方馳險地
盡梓柯始覺寒豈弟如君民自化謳歌應比故

鄉驩

送朱叔仁待御

使者干旄指薊門
丹楓彩鷁映江邨
持身不藉霜威重
噓氣能令黍谷溫
綽綽幾時聞罷稅
冕旒何日覩臨軒
好將疾苦民間事
乞賜清閒委曲論

送翁令君入覲

使君飛鳥覲
神京携得清風兩
願行奏最定
應書上考感時能
不請長纓股肱未
親回天在

草莽空存獻曝誠
好畫竒謀資廟筭
廓清氛祲
惠躬耕

姜子幹見訪

蓬戶經年無剝啄
相過莫訝罨蟪蛄
陽秋不避王公貴
月旦無慙梓日交
賣藥畏令女子識
尙玄難免衆人嘲
何時共占西湖勝
芳杜洲中約
結茆

陳山甫見枉

得霜字

別去渾如昨
重來倏五霜
酒隨情共遠
詩與鬢

行樂吟
俱蒼名姓能驚座風流復擅場素心將皓魄蕭
爽對秋堂

送舍弟于田

向老情彌篤臨岐鼻屢酸那堪搖落候更覺別
離難畎畝藏吾拙風波願汝安愧無姜氏被空
念客途寒

寄宋化卿兼呈蓮池大師

誰云吳越異風烟千里襟期若比肩把臂頓忘
非舊識托交却恨是衰年菟裘獨據湖山勝晏

喜長懷地主賢已辦辭家求入社往生同附本
公蓮

徐興公見訪

江介悲風歲暮天不圖委巷枉高賢雄譚陡覺
春生座痛飲從教酒似泉病骨一生癯過鶴饑
腸五色絮手蟬非關傾蓋驩如故仰止高山已
十年

同用拙子敏飲子惠白華軒

老去渾無賴相扶入醉鄉迂踈不解事謔浪有

如狂宇宙身何隘山林興自長未須驚歲莫分
日且徜徉

送張伯禎還松陵

林壑予家越烟波君住吳艱難千里至談笑十
季無佩德身堪許肅知恨莫圖贈行唯有淚慙
愧不成珠

寄玄素

謔浪猶如昨睽携已淡旬恨無能縮地空有數
馳神巖壑過眉杖風烟折角巾詩成吟可老况

與慧休鄰

屏菊二首

屏菊栽培久方冬始著花清標朋水石瘦影雜
烟霞不藉春光豔能扶暮景斜無人共欣賞寂
莫傲霜華

倚杖看無厭行吟去復旋清羸常自晒花木每
相憐抱甕頻滋土焚香數蔽烟何如彭澤老傲
雅竹籬邊

登南城遙望四明山

行樂
遙天晴景豁
凱風來座隅
披襟集良朋
頗愜清
燕娛
落日照碧林
餘暉散澄湖
飛甍連繡闥
璨
若丹青
圖撰榮臨高城
遊目窮九區
石窓切層
霄邈與羣峰
殊黛色可擊
擲丹梯時有
無雲南
富青櫺
雲北繁白榆
至今過雲客
恒駕蒼麕車
我欲稱東鄰
築室雲中居
惜哉無羽翼
矯首以
躊躇
載吟皮陸
篇鬱鬱增煩吁

小至寄用拙

又見一陽來
茅簷霽色開
沉疴類衰草
生意未

全回老去慙
懷玉心存欲
變灰伯鸞
歌自苦生
灰念高恢

寄千仞

君今何所之
出戶使人思
恨不如形影
能無悵
別離風高遊
子怯木落長
年悲久約同
栖遁悠
悠未有期

答王伯度

矯矯青雲器
英英白玉姿
自多天際想
不受世
情羈
摘藻無前輩
譚詩解衆頤
生芻慙寄况
芳

草詎忘遺廬阜風斯邈天台夢屢馳何時石梁
畔幽對俯清漪

同西玄都綱泛舟蕙江尋普和詩

夕陽忽幻一天霞歸鷺成行學鴈斜試問清江
縈白石何如寶地布金沙半生三憩雲中寺十
載重看霧裏花風景不殊筋力異塵勞真自愧
僧家

送空波西來休遠敬中求檀至武林

南湖稱寶地傳自宋祥符紺殿人間有金容寓

內無龍神何肅穆梵釋儼奔趨歲久法輪寂時
衰祖道蕪雕梁巢伏翼香案闕飛颺雨滴諾天
珮塵埋十地跌忘情那免泣圖報欲捐軀自古
資檀越何坊去郭郭發心四子別并力十人俱
東海曾浮盃西陵復折蘆空聲遙贊歎路鬼敢
擲揄稽首雲栖老休言疆域殊普天同佛日率
土盡皇圖口似旃檀窟身猶如意珠倘寄一臂
力不啻萬鈞扶執手非傷別馳神若竝駟向人
顏莫赧立行膽須麤精感神應助東林事匪誣

送玄津上人歸淨慈
時新移永明大師捨于南屏
因參大士過南海烟水何如歷百城紺目光中
悟如幻白頭浪裏證無生欲攀象駕逾殘臘却
恠龍神促去程不識南屏清漢表幾時來禮壇
崢嶸

恭聽高明大師講楞嚴經志喜

累劫沉痾苦未央此生何幸遇鑿王窺林盡是
清涼藥入室唯聞功德香分別昔爲心所礙圓
通今悟耳根長從茲不逐聲流逸刹刹塵塵總

道場

贈寂初道兄祝髮

有髮還堪薙無鬚莫可留三衣稱佛子一鉢任
雲遊大事從茲辦高踪不易求鈍根吾老矣針
芥許誰授

休遠上人枉山居

多病耽幽寂餘生寄翠微一瓢瓔珞粥百紉芰
荷衣盡日觀心坐經年見客稀非君枉金榮未
必啓巖扉

送常寧上人掩關寶嚴寺

不涉紅塵路，脩然世外人。
閉關修淨業，捷徑出迷津。
晝食防過午，宵饑慣達晨。
度生無四相，施法寂三輪。
錦石敷爲座，蒼苔借作茵。
雲陰來結蓋，華雨不霑身。
自是祇林彥，何妨我輩親。
心空常覲面，誰謂隔纖塵。

懷慧日上人

自返東林棹，恒懷彼上人。
茗甌精自喜，香谷迥誰隣。
貌古心無競，詩工語聿新。
清標何所似，山

色共嶙峋

懷秘藏法師

玉几何年寺，金仙幾葉孫。
辯才窮義海，慧業重空門。
千里飡風至，諸方避席言。
無論出三界，已羨衆中尊。

懷慧舟上人

宿昔以何緣，萍蹤聚法筵。
避人嘗閉戶，多病不離禪。
世事嬾挂齒，塵勞已息肩。
猶聞有清癖，香茗興悠然。

德嚴上人息影堂

道跡如馨地何人爲布金師堪方慧永此卽是
西林迭想時無間端居歲載陰應瑒佳句在相
過每長吟

題文心上人看雲圖

高僧滅影住空山唯有看雲獨往還不似世人
生取著此心元共嶺雲閒
山雲本自無生滅師眼何曾有愛憎一量苾鞋
六尺杖儘教人喚看雲僧

李之文以玉蝶梅寄植山居賦謝

玉蝶名何雅歲蕤已著花珍慙知己惠幽稱野
人家秀色來山遠寒香入幕賒從茲品壑趣不
獨在烟霞

次韵畬姚叔度

與君相望鬢俱華把臂無由恨轉賒佳句擲來
金共響長吟想見筆生花素封不艷江陵橘遠
性唯耽陽羨茶幾度相思悵伊阻迢迢豈欲借
靈槎

富空波上人

空山無一事，宗莫養衰顏。竹竇聽蜂祝，松巢看鶴還。處林常宴默，行藥偶躋攀。秀句清人骨，長吟翠靄間。

富西來上人

世外論栖遁，悠悠正幾人。空山每獨往，孤影自相親。香谷飡風久，慈航入夢頻。惠休詩怨別，吟罷數馳神。

李太僕捐館病不能走哭唁子述

槭題遙問訊，雞骨近如何。逝矣悲風木，傷哉瘞蓼莪。睽違疑隔世，衰晚困沉疴。不必聞隣笛，山陽感自多。

奉寄翁給諫先生

客子東來訪葦門，爲傳德意遠相存。支離一世嗟無補，貧賤終身愧受恩。天際共瞻威鳳羽，人間爭遲畫熊轡。由來遺愛如冬日，長使羸軀若負暄。

爲范了因題李子年所畫山水障子

行藥吟
李生雅志慕冥鴻避世願學王君公烟霞之腸
冰雪容自謂芘置丘壑中九流百家無不通獨
於繪事尤精攻醉心願陸與關全遺跡不惜千
金籠太癡子昂素所宗恨不同時取折衷此圖
峭拔筆力雄墨瀋狼藉奪化功竒峯斗絕儼崆
峒襄城似迷七聖蹤飛流百折挂彩虹長松謾
謾來清風我一見之豁心胸願言珍歲十襲重
君不見妙畫通靈欲飛去爲君壓勝題長句
行藥吟終



